

Polisi Diogelu Plant Mewn Addysg
Adran Addysg Gwynedd

Mae Awdurdod Gwynedd yn cydnabod ei rwymedigaethau statudol o ran diogelu plant mewn addysg. Mae'r Awdurdod yn amcanu i sicrhau lles a diogelwch plant a phobl ifanc sy'n defnyddio gwasanaeth o fewn a thu allan i ysgolion a darpariaethau addysgol eraill. Mae'r Awdurdod yn gweithio tuag at ofynion ac egwyddorion:

- Canllawiau Amddiffyn Plant Cymru 2008
- Diogelu Plant Mewn Addysg: Cylchlythyr 09/05/05 LLC
- Gweithio Gyda'n Gilydd – o ran Deddf 2004
- Protocolau a Pholisïau Bwrdd Diogelu Plant Gwynedd a Môn.

Yn ogystal mae gan yr Awdurdod rôl fonitro ar gyfer sicrhau bod Ysgolion Gwynedd yn deall ac yn gweithredu gweithdrefnau diogelu plant.

Y Pennaeth Addysg yw'r Prif Swyddog Statudol (Dewi R. Jones) gyda chyfrifoldeb dros sicrhau bod yr Awdurdod yn cyflawni'n llawn ei rwymedigaethau statudol yng nghyd-destun Diogelu Plant.

Dirprwyir y cyfrifoldeb arweiniol ar gyfer datblygu polisïau a gweithdrefnau i'r Uwch Reolwyr Addysg, Disgyblion a Chynhwysiad (Delyth Molyneux). Cydweithia yn agos gyda Gwasanaethau Cymdeithasol Plant i sicrhau polisïau a gweithdrefnau aml asiantaethol a hyfforddiant. **Yr Uwch Reolwr yw swyddog dynodedig Amddiffyn Plant yr Adran Addysg ar gyfer derbyn unrhyw ymholiadau.**

Y Pennaeth Addysg sy'n cynrychioli Addysg ar y Bwrdd Diogelu Plant. Mae Swyddogion Addysg gweithredol o'r Tîm Disgyblion a Chynhwysiad yn cyfrannu'n llawn ar yr is-grwpiau - Polisi a Phrotocolau ac Adolygiadau Achosion Difrifol.

Rôl yr Adran Addysg ac Ysgolion Gwynedd o fewn y drefn Diogelu Plant yw sicrhau amgylchfyd diogel lle gall plant a phobl ifanc ddysgu gan roi sylw digonol i'w lles a'u diogelwch. Dylai pob gweithlu ystyried eu rolau ar gyfer:

- diogelu plant rhag niwed
- atal camdriniaeth
- hybu lles

Mae gan ysgolion a'r Gwasanaethau Addysg gyfrifoldeb i gydweithio â'r Gwasanaeth Cymdeithasol ar ran plant a phobl ifanc mewn angen neu sy'n agored i risg o gamdriniaeth drwy gyfeirio pryderon, cyfrannu gwybodaeth ac asesiadau o angen. Bydd yr Awdurdod yn cydgorffio'r gofynion ac yn gweithio'n agos gydag ysgolion ac asiantaethau eraill, yn benodol felly Gwasanaethau Cymdeithasol, Iechyd a'r Heddlu.

Rhoddir sylw dyladwy i'r categorïau o gamdriniaeth fel y'u hamlygir yng Nghanllawiau Amddiffyn Plant Cymru 2008:

- Cam drin corfforol
- Cam drin emosiynol
- Cam drin rhywiol
- Esgeulustod

Mae gan holl weithlu Awdurdod Gwynedd a'i wasanaethau :

- gyfrifoldeb proffesiynol a chyfreithiol dros les a diogelwch plant a phobl ifanc
- gyfrifoldeb i "*Canu'r Gloch*" os ydynt yn ymwybodol o unrhyw achos o gamdriniaeth
- bod yn effro i arwyddion o gamdriniaeth ac i ymateb yn unol â chanllawiau Amddiffyn Plant Cymru 2008
- bod yn effro i arwyddion o fwlian
- gwybod sut i ymateb pan fo plentyn yn datgelu gwybodaeth a pha gamau priodol i'w cymryd
- bod yn ymwybodol o Ganllawiau Amddiffyn Plant Cymru

Yn unol â chanllawiau LLC mae'n ofynnol i bob ysgol adnabod athro a llywodraethwr dynodedig sydd â chyfrifoldeb dros faes Diogelu Plant.

Mae Awdurdod Gwynedd yn cydnabod eu dyletswyddau ar dair lefel:

Cyfrifoldebau:

Strategol

Bydd Swyddogion yr Adran Addysg yn cynllunio a chydlynu darpariaeth gwasanaethau a dyrannu adnoddau. Cydweithir mewn partneriaeth ag asiantaethau eraill gan gyd gynllunio a darparu efo gweithwyr proffesiynol ym maes gofal iechyd, gwasanaethau cymdeithasol, tîm cyfiawnder ieuenctid a Bwrdd Diogelu Plant Gwynedd a Môn.

Bydd Awdurdod Gwynedd yn:

- sicrhau cyswllt cyson â'r awdurdodau esgobaethol priodol ynghylch trefniadau ar gyfer yr ysgolion a gynorthwyr
- monitro i weld a yw ysgolion yn cydymffurfio â Chanllawiau Amddiffyn Plant Cymru 2008, yn enwedig gweithrediad polisïau a gweithdrefnau priodol
- hyfforddi staff, gan gynnwys y person dynodedig sy'n gyfrifol am amddiffyn plant (athrawon a llywodraethwyr)
- dwyn unrhyw ddiffygion i sylw Corff Llywodraethu'r Ysgol a'i gynghori ynghylch pa gamau sydd angen eu cymryd i'w cywiro.
- gweithredu i ddatrys unrhyw broblemau rhyngasiantaethol cyn gynted ag y deuir i wybod amdanynt.
- chwarae rhan lawn mewn adolygu achosion yn unol â Phennod 10 - Diogelu Plant; Gweithio Gyda'n Gilydd - dan Ddeddf Plant 2004.

Cyfrifoldebau Cefnogi

Bydd Awdurdod Gwynedd yn:

- sicrhau bod hyfforddiant i'r holl staff newydd yn yr Awdurdod, i staff fydd yn gweithio efo plant mewn ysgol a gwasanaethau addysg eraill, ac i lywodraethwyr ysgolion. Bydd yr hyfforddiant yn eu galluogi i gyflawni eu cyfrifoldebau amddiffyn plant yn effeithiol. Bydd hyfforddiant blynyddol ar gyfer sicrhau bod sgiliau a gwybodaeth staff yn cael eu

diweddar.

- sicrhau hyfforddiant pellach i staff yr Awdurdod sy'n bennaf gyfrifol am amddiffyn plant, wedi'i ddarparu gan Fwrdd Diogelu Gwynedd a Môn.
- cadw cofnod o'r holl unigolion dynodedig a'r llywodraethwyr a enwebwyd gan y cyrff llywodraethu i fod yn gyfrifol am amddiffyn plant o fewn ysgolion, pa hyfforddiant a roddwyd i'r unigolion hynny a dyddiadau'r hyfforddiant.
- darparu polisiau enghreifftiol a gweithdrefnau enghreifftiol i ysgolion ar bob agwedd o amddiffyn plant, a gweithredu ar gyfer honiadau o gam-drin yn erbyn staff a gwirfoddolwyr.

Darparu polisi ar wahân (dogfen arall) ar gyfer fetio staff a gwirfoddolwyr.

- darparu cyngor a chefnogaeth i ysgolion a gwasanaethau addysg eraill er mwyn delio ag achosion unigol: gweithredu ar eu rhan lle bo angen i ddatrys unrhyw anawsterau gydag asiantaethau partner y Bwrdd Diogelu Plant.

Cyfrifoldebau Gweithredol

Bydd yr Awdurdod yn:

- sicrhau gweithdrefnau recriwtio diogel a bod yr holl archwiliadau penodol yn cael eu cyflawni ar staff a gwirfoddolwyr newydd sydd yn gweithio â phlant.
- sicrhau trefniadau diogelu a hybu lles plant sydd ddim yn mynychu ysgolion – rhai sydd wedi eu gwahardd o'r ysgol, sy'n cael eu dysgu mewn unedau cyfeirio neu gan y gwasanaeth tiwtoriaid cartref.
- monitro lles a diogelwch a budd addysgol plant sy'n cael eu haddysgu gartref.
- sicrhau bod gweithdrefnau ar waith i ddelio â honiadau o gam-drin yn erbyn aelodau o staff yn unol â chanllawiau Llywodraeth Cymru. Gweithio gydag ysgolion ac asiantaethau partner y Bwrdd Diogelu Plant i sicrhau yr ymdrinnir â honiadau yn sydyn, yn deg ac yn gyson.
- sicrhau bod staff yr Awdurdod (gan gynnwys unrhyw staff sy'n cyflawni swyddogaethau ar ran yr Awdurdod) sy'n gweithio â phlant yn derbyn hyfforddiant i'w harfogi i gyflawni cyfrifoldebau amddiffyn plant yn effeithiol.

Polisi Diogelu Plant Mewn Addysg

Mabwysiadwyd: Medi 2012

Arwyddwyd: DeWí R Jones (Pennaeth Addysg)